



說圖地輿西江

撰忠秉趙

編主五雲王

編初成集書叢

種一他其及說圖府三九南饒

中華民國二十六年六月初版

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

江西輿地圖說

本館據紀錄彙編
本影印初編各叢
書僅有此本

紀錄彙編卷之二百八

江西輿地圖說

趙秉忠

全省

按禹貢淮海維揚州而彭蠡在其域中是爲江西
肇基秦郡九江漢國淮南唐以後分合不常

國初定經制爲江西布政使司南距五嶺北奠九江
據百粵上游爲三楚重輔既越荆吳之交江湖林
麓之裕實江東一大都會也第其地勢崩洪平衍
險阻既分形勝斯弱安危輕重常視四方焉列道

五嶺郡十三分邑七十七置衛所十四形勝網維
文武經緯蓋壯圖式廓偉哉厥輿地視蠡湖爲紀
而川原山埒漸以環隄南昌在湖之南爲會城詩
書禮樂攸萃蟬冕章綬儷古鄒魯湖東爲撫州東
南爲建昌又東南爲廣信山川蜿秀士雅民勤而
撫州文物稱盛湖西爲臨江西南爲袁州地逼長
沙逋民客戶詭察頗難又西南爲吉安清江碧嶂
鍾靈炳文而尚義俠節吉士之異也湖西北爲南
康又西北爲九江東北爲饒州土沃風儉志靡頑
頃而九江樞省上流牽制沿江州郡且與南康密

邇巨湖吞浸實保境要害重關也瑞州却湖而負
山谿鑿深斷其人務本而善鬪南安贛州去湖益
遠在省治極南以五嶺爲屏翰而汀漳雄韶諸山
跨絡林箐茂密斯爲盜藪故設督撫重臣提師臨
之蓋其人輕生而好兵此五方之形勢習貫較著
者也揔之力作嗇施修名砥行里無芬華之尚士
君子有崇雅之風其所從來久遠矣乃其土瘠賦
繁而藩祿滋蔓勢弱餉寡而戎除徂悒是爲隱憂
且游民輕去鄉井而彈冠結駟喜簧鼓標清議風
之弗古當事者難之然則劑癘瘵以燮元氣飭師

堡以作神威祛塵談而務經濟崇木疆以廻澆浮
是惟識時務者俊傑哉

南昌府

最繁

最衝

南昌古豫章郡奠藩會爲園樞乃群山翼赴衆流
朝宗之域而聲名文獻蔚然列郡冠冕王子安云
物華天寶人傑地靈有味哉夫其言之也然閭左
溷編戶周道交皇華簿書艱於期會路節犇於悉
達俗且勤生嗇施薄義喜爭彈射騰口器訟鼓舌
而宗潢星列城社彗憑有如二千石咸神君焉亦
鮮談笑劈畫之矣

南昌縣

最繁

最衝

刁

南昌治附省城東而轄地亦東之口賦甲諸邑洪
都文物爲茲邑最鉅麗云然民硠鄙逐末趣利鮮
懷居故逋負用積姦賊難考竟祿曹因得用計策
舞其文重以藩封攸宅事彘牽制且瀕江田曠人
稀直隸界邊流民亡賴者率衆佃耕其來不可禦
稻登則竊攘以逃其去不可追富室歲歲獸苦之
甚至作奸亡命事發併逮其所主尤爲巨蠹隱憂
云

新建縣

最衝

最繁

疲

治麗城西隅衝劇與南昌埒而民稍良訟是用希
揜原竒麗雙江滙環蓋都會雄觀爲茲邑所有初
濱湖下流之地委萍藻魚鱉之鄉圩田旣興菑畬
攸暨乾溢豐歉氓侷縣綫故賦籍逋而吏弊滋熾
其水草之交細民易與於亂蓋備禦尤警夫昔矣

豐城縣

最衝

最繁

刁

豐城在郡南境羅山列屏劔江溱帶土之巒文蜚
藻猶有龍光斗牛之氣土瘠民稠居務畊桑而游
四方者咸徒手致橐中裝然地當閩楚而粵之交
冠蓋出丘亭軫相接也歲儲不下十萬而逋者過

半地執外墜中窪受五郡下流所擊金堤易决婦
堙頰煩又地界撫瑞臨江草竊間發而黠俠競勝
於無情狡吏巧舞於彘渾蓋負郭之外於此稱劇
邑云

進賢縣

最衝

次簡

淳

進賢在郡之東九曲滌流三台屹立靈秀攸鍾人
賢稱是民率忠樸士高節槩風候近馴金矢鮮入
第閩越四駢犇命云瘁而撫饒錯界盜彘竄流然
花園旣平稍得高枕治之

奉新縣

次衝

次繁

刁

奉新稍去郡介在西陲民儻咕咳以官始未嘗不
土物愛而勁氣圍襲髓舐乘椅肺石棘聰邇復安
義闢衢客引車辟省會逞逞闌出遂令里區延爲
謂合宰厥邑者談何容易若夫九仙百丈溫泉劔
井固封內之勝槩殆未與於斯文

靖安縣

最僻

疲

刁

西去奉新又四十里蒼翠鬱盤鳥道鬱叢盜狐兔
其窟溪澁而商貿絕跡土瘠而民散接踵私匱公
逋職此故哉迺其察黠鼓刀筆以公門爲城社攬
稅糧視臧鏹爲麤索鉤橈鮮施薙芟靡皇邑雖僻

小治良艱已

武寧縣

最僻

疲

刀

武寧在郡西北萬山中僅遶羊腸一道上抵寧州
下至建昌山削水駛瘠土窶民以畊織自長養庶
幾哉槿廬藿扉之風歟迺儵忽報而混沌鑿繇是
主保興官錢沒計楊盛文法蠹長吏鮮克有終噫
嘻世道江河治斯履霜矣

寧州

僻

繁

刀

寧州環山負險阻地里寥廓林箐茸蒙險道傾仄
四境所交故楚之區脫而江之窮里亡羊逐兔之

岐也是州經理備盜孔棘邇以觀察使者奉

璽書揆奮其地醜黨咸讐而銅鼓之中屯湖江之夾
攻圖上方畧前籌廟算夫至於鋤武梗會賦役肅
追呼簡訟繫是外寧內治數交倚伏五馬當局審
先後哉

瑞州府

次衝

次簡

郡故漢建城縣唐筠州宋高安郡而易瑞州者則
以瑞芝二

國朝因之按圖記吳楚中分負鳳華之巘巨蜀錦之
流顧堞雉偪側干旌弗才正德間鄺刺史披蓊參

得唐之外城故址跨錦水城其南北嘉靖中吳文
端公倡議增築峙閤垂虹益宏麗稱巨鎮云轄縣
三高安上高土沃而苦賦重新昌雖有山竹微利
亦爲盜賊淵藪俗以穡事女紅相尚無靡靡之習
獨謫訐成風蟠糾莫變巧僞日滋吏治勞止筠州
道院拊髀談曩時矣

高安縣

次衝

疲

刁

縣治附郭厥土夷陸厥田又顧陳疆畝弗踰中邑
而藉賦當湖東嶺北一小郡疲也俗嗣股肱純執
黍稷佐以儉固繇是不大困然通蠹滋矣况安義

介用一蹊斯地昂來九軌委人稍聚弗支氓且徒
訟爲梗展也瑞之巖邑哉

上高縣

次僻

次繁

刀

邑据郡西偏上流亦省會臨江新昌萬載四幅之
較以非康莊衝五之一慄悍嗜訟徂狎逮攝爰書
鮮裁而賦重役繁豪家積逋爲甚蓋難治於高安
魯衛云

新昌縣

最僻

次簡

悍

新昌僻在西北徼山奔土壚雨暘稍愆魃沴立作
幸饒竹木衣食裕風氣驕囂謗譏梟穿以刀筆

為耒耜而豪右作逋逃主邑長吏良苦辛矣然古
樸流風猶有存者人耻惡聲而世家克由禮瑕瑜
各異哉嚮也山谷剽禦時聞桴鼓華林黃岡之轍
至今談之廼斤堠方嚴悍氣漸龍撫而治之亦惟
威克厥愛已哉

廣信府

最衝

最繁

信蓋春秋楚越比境云秦郡縣天下始為餘汗太
末地置肄焉歷唐稱信州

國初府以今名據省會上游靈鷲干霄自武夷來秀
色吞匡廬而水溪靚玉縈達彭蠡謂扶與清淑之

氣非歟迺介荆吳閩越八達之會舟車輻輳廩餼
殷矣俗尚淳儉吉凶賓嘉率於禮壤賦式供君子
重清議二千石足容與蒞之屬者亦習奢漸窳風
之會也而龍虎符籙之教湛湖崇魁激嗇揚躁許
訟株蔓七邑疵豎志昔記之矣以辛酉粵李之亂
藩司出鎮當閩越亢背隱然虎豹闕云

上饒縣

衝

繁

淳

邑治麗郡中周行岫欵稱是而膏秣糗載之經壹
制於郡令於是乎誅督寡左自東徂西玉山鉛弋
所襟帶東南接永豐地僻山嶮北通饒之德興樂

平蹊崎而勢遼則有八方鄭家兩巡司分亭郭焉
他若張灣臺湖大安箬嶺凡院匿設險碁布戍卒
時以兵法部勒之足恃無恐士修氓樸逋堆案爲
鮮蓋善地也所異疇昔者武斷作厲螟蛉冒宗草
竊爲姦左道煽惑習積以頽司牧者殆未可宴然
卧理也

玉山縣

衝

次繁

刁

玉山以懷玉得名故浙衢屬邑今轄於信犬牙閩
越蓋豫章第一門戶云東距府治百里艦啣轂擊
之區財力故絀寇燹之餘重以畚鍤民用滋困且

糧多寄籍簿計頗艱而黠獮好訟于今爲烈東界開化江山北界德興徽婺鑛徒時聚三衢谷中所憑藉爲出沒之地兵力寡弱一方有事兩省震驚戢之維何慎封守嚴說察籍外援其庶幾有備哉

永豐縣

僻

簡

次淳

邑在郡東南五十里壤僻吏事稀征徭易辦而民稟峻嶮之氣麤颯健訟逋負時有在調劑握機爾已論形勝四面山衍崖峯錯於浙之江山閩之崇安浦城故有銀冶今閉誨盜之囹也柘陽巡司警備之北連王徽之銅鑛山通焉又爲竊伏者間道

兩方門庭之患寧無厝火颶風之虞哉蓋其要害
與鉛山唇齒而把總專駐鉛山賊伏狼顧非策之
得也適有冬夏移兵巡徼之畫殆棒漏沃焦務也
時乎時乎

鉛山縣

次衝

次簡

淳

縣在郡南八十里而遙山川雄秀區粵而習嫖民
情醇狡相半賦樂輸吁訟鮮終怙東界閩分水關
使星賈榻織路西弋陽北上饒孔道之交而東南
一帶又與浦城光澤相乘薄北間錯落守望孤而
盜蹤譎張於是石佛有巡司溫陝桐木劉墩諸關

隘武胄分番提兵捍之邑城特置守禦一所又設
把總召集團練非形執當要害邪碩河口水隩商
貿駢坐藏姦之藪邇有縣佐分駐之議周衛益密
繇斯以談令所難易大較可睹矣

弋陽縣

衝

次簡

次淳

弋溪之涯有大面石如鑄弋字又水流作弋文故
以名縣縣距郡百二十里而近山川平衍東興安
西貴溪光澤南聯德興北引而鉛山樂平亦爲達
道水陸之會廐置旌柵共待裔裔繁困矣俗重蕪
隅茸膏約而土硠陜鄉鮮殷富農無蓋藏是以恒

產輕而厚道漓租挈訟逮日斯逋噐且襟帶閩浙
綿亘湖江表裏信河姦宄者魚鳥聚散末禱之思
盍儀圖之

貴溪縣

次衝

次繁

刁

貴溪者治在湏溪口也山川孕秀才雋雲蒸南抵
閩之光澤北抵饒之萬年而弋陽鉛山安仁東鄉
金谿皆爲徑道上通王山下達鄱陽而股引大江
雖非都會抑水陸所喉咽也往來公私騷繹能弗
重困又龍虎山

勅建上清真人之宅仙巖竒勝遊客翩翩羽蓋焉廼

其封畛壙遼醜盜狐魅舟車至止剽竊是虞故陸
有管界水有鷹潭巡寨攸司而小嶺尤爲多警近
議裁遞運爲廵司籌之善矣至於土風朴畧習俗
梗戾訟獄繁興而租稅負於豪俠案牘淹於史胥
較諸七邑號難治云

興安縣

次衝

簡

次淳

興安故上饒弋陽地云往爲鎮以窵民之雜處易
構也特設郡倅撫而治之嘉靖庚申始創爲縣南
抵鉛山北達德興東接徽婺崇岡疊巘山勢盤旋
在信州則爲西境亦稍稍毘於閩矣邑無騎置之

署而捷途交衝供億爲艱其俗舊多龐梗經略之
後向化滋馴征輸易納政務殊簡至於好訟輕生
則漸靡所繇來廣遠矣

建昌府

次衝

次繁

淳

漢以來建昌爲臨川屬國後唐析南城爲建武軍
始有專制宋曰建昌軍

明興改肇昌尋爲建昌府其地以盱水爲宗故又號
盱江郡云抗禦七閩牽制百粵五嶺咽喉三吳襟
帶蓋江藩南鎮關鍵也土沃民饒動作奉公士風
淳雅儒術科名爲盛

桐封燾土而租秩寔繼移候肇互而叙節罔誦則豈
非善富之明驗矣哉顧撫信諸山應谷贛郡三策
比鄰內煇外震爲虞故有團練把檢訓兵防禦而
湖東制使奉

璽書臨之要害重地固如此至於綺靡相夸詡泥堪
與耽宴樂自昔頗爾於今爲烈其必樹表儀者有
以風哉

南城縣

次衝

煩

南城形勝財賦人文甲諸邑事簡民淳雅稱樂土
嘉靖末兵亂之後始翹翹多故焉矧鄰封控引遡

水則臨川之青泥峽渚蠓懶含沙綠山則金谿之
華圳田西兕獍當轍而瀘溪負固猖逋幾爲腓病
是故增縣控馭便迺風會則昔樸今靡外腴中瘠
且時時事條刺相折逆矣亟反之亡令勢重哉

南豐縣

次衝

次繁

刀

南豐戶口滋繁以饒稱人文麗雅猶有曾子固之
風但陸通閩楚水接虔南未免勞於給邇且氓習
犷譎逞蝸觸相雄長吏弗克彈宓琴治之是則今
之南豐也已

新城縣

次衝

次繁

次刀

新城東接閩嶠杉關而周坪簫曲靈鷲爲之四阨
柳湖東屏蔽哉然山峭水激俗矜節恃氣樂闔輕
生意奢崇鬼而積逋繁獄寤異古初說者曰士大
夫秀而文細民儉而健有以夫有以夫

瀘溪縣

最僻

最簡

地故南城一巡司以梗聲教故縣之在群山壤斷
中去郡最縣隔界於新城金谿東接閩之光澤而
通省會路厯厯東馬新造之邦實戶數闢草萊綱
紀而文章之庶成聚而都矣

廣昌縣

僻

簡

次淳

邑山多田寡賦輕易完踞通閩粵亦一郡要害之區自流寇肆害民始告困大抵廬舍畝澮土著僑居相半而慵樸險健主客異形故有鷹養虎衛之患若山川之磅秀清駛其人文蔚發民到于今稱之矣

撫州府

次衝

最繁

刀

撫州禹貢系揚周禮職方氏屬吳孫吳始分臨川郡隋爲撫州其鎮巴山其川臨汝其浸千金陂控帶七郡犬牙其疆土瘠民稠風俗淳龐士操節氣耕桑四野冠冕一路盛矣邇民多逐末以競刀錐

好訟而貧且盜重以辛酉兵燹閭里爲墟征歛拊
摩蹙頰繁瘁也道通閩楚越粵輪蹄四出致館路
節爲躋地無設險故醜黨螢聚易逸而難說惟是
絃歌攄杼聲猶達乎四境屬耳文昌堰合人以爲
祥蓋自王介甫文章風槩陸子靜道學英朗迄于
今士君子之厲節持論者翩翩流韵弗泯哉

臨川縣

次衝

最繁

刁

臨川附郡郭幅員五百餘里俗楸楸穀雅尚詩書
耻習浮靡人文郁烈第磽地生齒繁而輕去其鄉
頃來逋賦日夕草竊漸起獄訟滋熾故長吏簿書

頭會爲難繇地廣政叢倍它邑耳

崇仁縣

僻

次簡

次刀

崇仁在郡西稍北其鎮曰羅山其經流曰西寧巴
水水界縣中難施版築歷代未有城懲辛酉之難
今爲兩壁相向稱憑陵已故老云昔者風俗醇厚
民勤畊織野有露積夜戶不扃紅腐之餘且支旁
邑豈不均均言富教哉邇煽習爲駟詐故誣誆嗷
訶竊攘矯虔風之下也地僻而治亦難歟且壤交
閩粵致寇至徃轍足鑒阨險弗可謾云

宜黃縣

最僻

簡

淳

阻山爲城臨溪爲池地僻土膏力田寡訟薄賦易
輸素稱善俗而人材亦逞逞効地之靈可謂一方
之勝矣爰自流寇肇苗淳氣漸漓民好忿爭士鮮
禮讓然方諸它邑猶稱羨焉

金谿縣

次僻

次繁

刁

金谿重岡複嶺土沃稅輕民勉貿遷士勤學業若
宋儒之道術

昭代之勲庸裒然一郡舉首豈其雲林躍馬鍾靈固
有自耶顧西連閩建駟獮生姦北接安東嘯號爲
盜徃時清泥出沒依附草坪今巡司雖設而短狐

狡鬼窟宅猶存慮未釋也舊云俗醇事簡今也否
否氓勇於私鬪睚眦狼戾并入湯網罔悔亦異乎
昔之金谿哉

樂安縣

最僻

簡

次刀

樂安縣在萬山中距府獨遠介于吉贛地僻民儉
俗勇決尚義守望相助足以禦侮第任氣健訟不
相能有古俠士之風而歲課不免包侵迹亡易于
窩匿無亦風聲氣習使然與是邑雖簡僻而人情
獨難馴擾者

東鄉縣

衝

簡

刀

東鄉故臨川東鄙也接桃峰之勝據長林之險民俗強悍易於嘯聚正德八年寇既平乃建茲治土地廣饒人民稀少農務耕耘五穀徧野臨民大半仰給家稱殷富焉但習俗難馴賢者不免貧民備刀弓聚爲盜砦通省城浙直共億疲勞故在六邑之中最爲刀敵云

吉安府

最衝

最繁

刀

吉安秦漢時九江廬陵郡屬南部都尉理所安成名肇三國唐以後號吉州今曰吉安府府治據江上流南接章貢北竟淦水東控臨汝西躡袁桂規

土二千餘里喉咽荆廣唇齒淮浙神岡揖其前螺
山歸其後江流迴合東走其下古所謂天作之邦
文章節義鳴中國蓋自顏魯公流風而歐陽公八
代躋舉文文山兩間正氣逮

熙朝雅益翔翔匪執文科第已爾顧歧旁比壤劇驟
攸會造館授粲縵獵比比告困矣土瘠民稠所資
身哆業鄰郡其俗尚氣君子重名小人務訟蕪之
軍民雜集豪猾竄騰吏治鮮効廬陵泰和最稱難
理未寧龍泉稍稍易與云

廬陵縣

最衝

最繁

刀

附廓地大物庶當江右一中郡俗勤儉有唐函之
風而修文秉節景行逞古迺厥美賦稱廡頭箕鮮
綱胥魁秘長度里俠詭籍神姦霞變矣至於訟牽
束矢議格築舍故由折獄而猶宿僑布令而致囂
柳文多舞許評易槎自惟劔兕之材其鮮駉駒之
逸邇

吉水縣

最衝

次繁

次淳

去郡四十里而近石陽擬標文水合璧蓋星分云
居雲漢之下流詩書誦讀自閑閱闐闐而達隧鄙
聲相聞也厥民力穡游伎藝雖無陶猗之搯終鮮

劇解之豪故禮讓足觀壤賦勘逋訟繫希濶路造
崇期而委積易豫堞人亡虞於奔命也長吏其坐
嘯臨之哉然邇滋頑戾橫議持人短長風之靡也
良工之心寔維今之令乎

未豐縣

最僻

最簡

刀

未豐三百距山蓋樂安寧都新淦所斗入興國一
線又有鱗嶺五花之險爲閩廣綠林間道業有三
巡司備之西界延吉水爲孔道而非亭館之交土
田夷衍多上農俗務履方養名耻竒袤大都西北
產美彥而東南地僻處境山巖水激故人性輕悍

而健訟慙歎之餘民甚負責賦入愆期於是乎課最患拙矣

泰和縣

最衝

最繁

刀

泰和濱贛水而邑原隰畏潦鄉谷畏盜地執然也訟媚興而賦獸逸剽課稱艱且路當吳楚閩越之周館人津吏頗繁苦矣邑西十里爲破塘口正贛水所擊射數十年來洪濤叢圯江勢將遠邑背而東徙民虞蕩墊堤障之謀岌維孔棘哉若廼崇雅砥節文獻雲蒸則自昔號彬彬云

萬安縣

最衝

次繁

萬安幅員多阻山章貢兩水襟帶之蓋虔州北鑰
云而洞孽亦稍稍搏噬矣四民敏修業雅馴足稱
告訐時煽竟鮮滑賊然地接交廣剽櫻金者間致
闌進而使車廬宿糗餼且相屬暨徵逋詰姦以是
爲難爾

龍泉縣

最僻

次簡

悍

龍泉據吉州上游西阨郴衡南控虔楚東連分水
北結新州固四塞之區也僻在西偏崇岡茂箐而
禾蜀二源之水左右滙流環城東下民生其間肖
山川之氣大率獷黠悍鷙而習爲薄惡且地交異

省陵陽六坑一帶密邇萬年八面雪花等山峒盜
藪若蕭安黃沙諸處又與南贛韶廣賊路相通然
則隴雞福小其吉州藩離而江右要害地哉控制
方略是在桑土矣顧唯訟牒希簡歲賦趨輸稱易
治云

安福縣

次僻

次繁

刀

安福東接廬陵西連楚攸分宜北絡末新南引錯
吳楚而控荆陲引柳虞而走交廣隱然要勝之區
也武功秀聳瀘溪瑩環霧鍾孕人文焯爍蓋南服
稱雄矣然學士兢標榜而易雌黃俠子爭睚眦而

鼓珥筆俗且重農務商尚膏樂闕志云南山厲峭
勢如角逐以故風氣所囿其然歟至於奸猾蔽糧
豪家怙勢雖稱僻壤號難治云

未新縣

最僻

次簡

刀

未新當郡西徼錯介荆東陲與堯水大洲諸賊巢
接壤蓋奸宄所蟠藪也且山勢險隘商賈罕達土
田磽确樹稅不豐故其民貧其俗悍君子矜節而
尚氣小人健訟而輕生治寧庸無事邪

未寧縣

最僻

最簡

未寧舊隸未新元至正間始割地爲邑而我

朝因之邑處萬山中險阻四塞既非舟車輻輳之會
而郵驛並廢亦無奔走迎送之繁賦寡易竣訟簡
易決其安靜善治之域哉

贛州府

最衝

最繁

悍

贛地最雄鉅裒方千一百五十餘里山川深阻下
瞰交廣東達汀漳西通郴桂翼定南爲南屏北順
流下吉安以達會城建旣四省形勝冠嶺北矣崆
峒摩天章貢激石有湧翠流虹之勢而鬱孤臺屹
柱乎中節鎮牙纛建焉桓桓乎天設虎豹閑哉四
境巒嶂森砢土鮮夷曠厥田下上錯美水泉非大

早民不饒然亦亡籛貴士風愿樸文教駿起而尚
氣好鬪十二縣性習故相若也維是冠蓋駢集供
億實繁長寧定南及側新附生聚而教訓之佩犢
挾弓矢有誅庶乎回心易嚮乃其小惡惡養焉則
芒刃斧斤乖所用矣

贛縣

最衝

最繁

縣附郡郭爲幕府建節地賓旅闐交公檄旁午實
稱衝劇人稠賦重案牘日增且流寓土著錯處飛
語鉤簞未可卧而理也農積庾廩士趣文介然陽
亢賦氣弗馴故鄉多任俠婚規下鏡而栢舟之傷

奪志馬鬣之封逾度鳩鵲之巢溷宗噫救也久矣

雩都縣

次衝

簡

雩都東去郡稍近山環萬壑水合衆流靡董星落而藩竹風會非僻途也俗尚儉士亦切磋於學邇頗好訟崇鬼競富喜爭公賦漸逋然調劑得胍理亦易取効云

信豐縣

僻

簡

當府治之南昔二巢弗靖正咽喉地故郭陽有小江堡兵屯之戍頃方犁輯剏定南縣而斯邑迺獲安枕平原沃壤家給人足市無方言炊不糜食然

俗尚浮華生計易殫而外郡之豪競蠶食之故糧
虛藉闕且客主爲敵國頻年構訟凌暴滋熾寢寢
乎窳矣

興國縣

僻簡

興國在郡東北相去二百里而近接廬陵萬安之
間地僻谷荒山巖水猛而田則腴民殷俗儉可稱
樂土且畏法尚禮訟簡官閒號易治矣邇雖稍穢
習焉昔公然得良吏一張絃其猶烹小鮮哉

會昌縣

僻簡

會昌距府東二百里宋時所雩都之九洲鎮置焉

縣時鑿井得甌甌有篆文云會昌故以名界連閩
廣實巢峒出沒之區羊角水在上游命將耀兵當
東偏一而民俗近淳輸淮惟謹故易治然地僻風
伉多出武夫勁卒而路通武平私塩尤難詰云

安遠縣

僻簡

在郡域東南百四十里環山截嶺鳥道懸車入而
中劃夷衍桑麻滿疇民居殷阜顧土囊別一佳境
也 風俗間樸以黃鄉之鶯蔡而今租稅獨先辦
焉信非徂亂地也惟割補長河新附之民徵輸尚
未擾習而巢峒咫尺武間亡命追呼爲棘邇撫輯分

建長寧縣斯亦易治云爾

瑞金縣

次僻

簡

瑞距郡東三百六十里陳石嶽岑綿江榮帶邑介
其中土瘠民儉田家苦作不詭于訟事稱簡省特
爲汀潮北指之衢且鹿谿羊廻私鹺盛行贛民汀
商勾黨爲姦利法幾亂矣

寧都縣

僻

繁

刁

距郡東北三百六十里與廣昌樂安接壤民勤儉
善事家人生產故以給足稱頃益靡浮且四郊多
麓阡塍頗爲鄰畔所席櫪而市氓之饜者隱官錢

黠者舞文法至蟠食長子孫熾熾得笑故其治訟
蕪穢而逋賦狼籍遠鄉頑梗滋甚至議分官就欽
焉豈非以難馴故邪吏茲土者其辨之

龍南縣

僻

簡

縣在郡南四百里岡岫莽合林箐豐翳飛泉接田
歲早弗涸曠土旣多民能力墾衣食饒矣然風氣
悍勁喜卽戎與國召援一呼而偏師可集強者奮
臂稱冠軍與巢峒相尋盟然不可部勒以律稍東
溼則盡謹馬牛風矣但習俗樸魯無博籥優倡之
誘蓋可激以義者往三巢未寧爲郡南蔽今敕定

南獨當阨塞於是龍南遂爲腹裏可善治云

石城縣

僻

簡

石城東接閩汀距郡治四百而遶環縣皆石矗矗如城故以名焉有龍巖瀑布石筍參天之竒地居僻壤土著貧弱而僑居強盛抑風氣使然歟饒稻梁鮮遷貿士知向方而賦清訟簡庶幾哉與民安堵也

定南縣

僻

簡

瘴

定南故巢峒地隆慶中樞勦安集之始析龍南信豐安遠三界鄙夷之民設治於萬山之巔岑岡洌

頭爲其唇齒相距三十里而近其間險遠去漳之
和平又聲援遼絕鉦桴竊發獨以孤城彈壓居民
無百室之聚危弱矣且商旅弗達鮮食木食猶然
艱之地復瘴癘民性犷悍吏務羈縻難以文法治
也頃謂下歷巡司爲邑中道謀徙縣廨於此而湫
隘域民弗便故議輒報罷

長寧縣

僻

簡

瘴

自長遠南入壑道縈迴抵其境則村落四布蓋葉
氏所憑陵窟宅也萬曆三年反側子歸命

奏建爲縣新城百雉雄堅未圖初附之衆犷習弗狎

駕馭頗難然竟椎魯堪結息信惟夏秋間嵐瘴薺
蒸吏人每患苦之或曰習能亦無恙云還定安集
迄爲寧宇非定南所基也

南安府

次衝

次繁

按南安自秦漢來未有名號孫吳始縣宋爲軍元
爲路

國朝爲府皆仍其稱啓封疆千五百餘里據江西上
游接南荒之境迫東粵而帶榔桂表以庾嶺旭山
滙以蓉江章水隆然南徼形勝哉山多田磽陿故
收挈算寡而平糶征重俗儉養侈葬疾疢祠鬼嵐

氣襲人四縣一也昔庾義楚粵之侵康猶城社之
變儀鑒弗遠邇故營伍周衛而列邑城郭相臂指
民庶兇無恐焉然徂安生玩當事者其誦苞桑也
乎

大庾縣

衝

簡

大庾者以漢擊粵將軍庾勝築城於此故邑與嶺
因名焉地當五嶺最東控廣引閩谷長山遂據上
流而過邊徼以南島之重貨貢篚所梯航也函節
既通星車攸逐賓旅牢饋蒸蒸已賦役云重而算
事弗實故流移雖少而催科爲勞賴民淳訟簡盜

亦屏迹於斯稱易治云

南康縣

衝

繁

刀

南臺山峙美江水環其壁立繚繞之勢亦南虔佳麗地也衣冠文物甲諸邑而水陸經行虞廩稱匱習俗尚氣嗜利告訐成風堦則多負蓋南郡所指名岩邑也邪

上猶縣

僻

簡

上猶在山谷中爲江藩邊邑舊治編戶雖廣而橫水桶岡諸峒接壤雄韶萬山會焉是爲虎冠者嶠負正德中王文成公蕩平之析立縣治繇是底定

然西北連楚桂東頗爲要害而浮龍疋袍之間迤
司設焉地近南荒瘴癘時作其俗宋効忠義今習
禮文士果而毅民戇而剛稍使之不以道則譁然
起持人短長然野多畊耨之民山饒竹木之利淳
風未散終善地也

崇義縣

僻簡

縣本新造餘風未殄昔峯人稱亂新建剽而撫之
因割庾康猶之上農以充編戶而新民亦知向化
是以邑號荒落俗稱淳厚公賦謹輸男則採山種
靛女則績葛織席以爲生業供應不煩詞訟不擾

猶爲善邑獨柳桂憐盜當預防門庭焉爾

臨江府

最衝

次繁

臨江亦筠州地宋始改清江爲臨江軍以袁贛兩水合流入江故名幅員廣袤三百餘里而閤皂玉筍所占洞天一福地二蓋寰中最勝處云郡居江藩之樞掖袁控瑞通梁粵帶虔吉爲方舟環涂之會合方氏告勞也地狹民稠趣利逐末先志曰君子尚德崇禮小人勤力知分迺頃寢不如古而好爭習惰侵乘倒置之萌茁然矣顧猶士風文萃淳氣未盡决裂故教化易奏焉

清江縣

最衝

次簡

附廓形勝勤劇與郡埒率江之澚永泰樟墅南壯
商舶鱗集凡田之環閣皂福地者稱上上它多砂
确畏旱而春江之漲又苦潦民龐儉奉公訟鮮囂
怙磐宗流韻畏義矜儉治法馴矣惟東北界羊腦
者夙以探赤白丸相煽邇檄豐城高安暨本邑三
巡司迺登之庶幾無震云

新淦縣

最衝

次簡

新淦者水源經淦山入江而名也表以百丈峰侵
碧落有葛仙竒跡衍疇嘉穎故財貢易而珍館充

俗負義績學耻角訟可縣象魏理之矣然地跨長
江蜃孽時作若老滸烏口諸地固覘伺竊發之叢
也巡兵雖設寧遂忘西顧已乎

新喻縣

次衢

次繁

即喻水爲邑號有雲岑王凡之表而蒙山寔老子
畊地朱紫陽謂五星奠位宜產名賢縣今以談士
族秉禮拔文介節流光盛矣第民習悍喜爭而公
賦乾沒於亡賴經界失均於兼併邑之繁難惟此
爾

峽江縣

最衝

次繁

疲

峽故巴丘石陽地與淦吉爲鄰風氣漸陶士守清
議民用儉縮然土瘠故多貧逋流移且持遼曠爲
驕悍建邑置吏初指以此蓋歷三紀而風未移也
矧值周行事宜且蠲興長吏躍躍難之焉

袁州府

最簡

次衝

淳

袁古宜春侯國隋因山名州東臨南吉北瑞西楚
長沙寔爲封畛秀水萍川五臺山峽繡錯井疆如
繪蓋江山多勝遊詩記之矣俗織膏樂畊稼厘厘
食土之毛賦稅及時閭里無事猶有房次律韓昌
黎遺德云地當湖湘蜀粵滇黔孔道供億爲繁宜

春分宜萍鄉並受其衝惟萬載差僻爾民愚易觸
法而蜚文視昔斂翮且賦重財詘水旱盜賊易煽
豈嚮所謂簡醇者哉

宜春縣

次衝

次簡

淳

宜春界連五邑間錯楚瀏民無山澤之饒耻逐什
一之利安於儉膏能絕井毛毳藻績之奉雖匪膾積
温厚而甌石儲不渺也故上供維時訟牒希闕吏
治易起焉或曰風淳而敝滋玩愒政繁而勢或齟
齟是在明作者前籌之

分宜縣

次衝

次簡

疲

分宜者宋雍熙間分宜春東壤而治也昌山蠱巒
表水瀉秀鍾僊對縮其口袁嶺筆列於北鈐岡屏
插於南蓋四塞淑靈之隩哉民勤敷苗鮮服賈食
土自有餘饒豈不媿媿稱樂國乎頃以奪柄臣產
抑民鬻而倍其直於是邑里瘡痍無完室矣重之
館候繁交財力兩訕蒞治爲艱

萍鄉縣

次衝

次繁

淳

圖經曰楚昭王渡江於此得萍實故相傳以名縣
云地接湖湘凡取道入郡者南攸北瀾其岐旁也
鳳嶺羅霄郡峰屹立蓋大江以西一門戶云地外

險中夷夙稱膏野而文昌久瘞三面並楚洞庭餘
波萑苻時作椎剽相逐莫可窮追厥初肇域巡司
交控若安福界之大安挿嶺舖之草市瀏陽界之
安樂震鄰備故廩廩矣然則豫除戎之畫振鼓篋
之風文武維所用哉

萬載縣

最僻

次簡

力

萬載當郡北更北在寧州境也東上高西瀏陽賊
霍諸峰障之客時時走筠陽間道來故亦當亨衢
十一往歲湖湘亡命闌進隘中議設黎源守焉亂
是用戢第富民習隱匿爲奸利猾吏巧舞佑之且

矜懷仗喜吾訐謝康樂風流安在哉吁蓋難治甲
四邑矣